

Forfatter: Aakjær, Jeppe

Titel: Udrag fra DA Æ BJÆRMAND KAM.

Citation: Aakjær, Jeppe: "Digte 1908-1918. - 1918", i Aakjær, Jeppe: *Digte 1908-1918. - 1918*, Gyldendal, 1918-19, s. 58. Onlineudgave fra Arkiv for Dansk Litteratur: <https://tekster.kb.dk/catalog/adl-texts-aakjaer02val-shoot-idm139850576763232/facsimile.pdf> (tilgået 30. april 2024)

Anvendt udgave: Digte 1908-1918. - 1918

Saa flew han da ind imell Haabro Hus,
Klump—Dump! Hump-i-Skump!
te æ Drikkeks ret blarped a Kopp og a' Krus
og Kræn Haabro glemt hans: Godawten!

Æ Krownads Dar røw han los fræ si Fals,
Klump—Dump! Hump-i-Skump!
og æ Darkam hænd om æ Bjernands Hals,
da han sto i æ Stow imud Awten.

Og nu begynd da æ Skinting æ drikk,
Klump—Dump! Hump-i-Skump!
saa læng te han kand bælg i sæ for Hikk,
for de' el jo komm ad æ Awten.

En trørr Pots Anker med jawnhen Øl —
Klump—Dump! Hump-i-Skump!
den tæmt æ Skuel som en Fingerbæl
og rat after mie inden Awten.

Og band en Spuns ham lovie haadt,
Klump—Dump! Hump-i-Skump!
han stemt'en ind med hans Tommeltot,
saa det prost i hans Skjek under Awten.

Og Rumpunsflasker, de stor som smø —
Klump—Dump! Hump-i-Skump!
— han knak dje Hals mud hans sture Tø,
som en knækker en Lopp imud Awten.

Hwer Brændvinsbimpel, hwer Vinglajsdrop
Klump—Dump! Hump-i-Skump!
— han suet æ ud te den sidste Sep,
som en Snog suer Dög om æ Awten.

æ Drikkeksle, Drikkevarerne; blarped, skulped; hænd, hængte; æ Stots.
Stuen: æ Skinting, Asmet; trørr, trædive; jawnhen, ret godt; tæmt, tømte;
æ Skuel, Kæltringen; rat, række; stemt, trykkede; Tø, Taa; Sep. Draabe;
Hikk, ikke, en Forstørkning af sit.